

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第三二冊

寧海四記
寧海六記
桐溪記略
當湖外志·一

學苑出版社

干人俊纂修 民國間稿本暨油印本

寧海四記

寧海四記
PD

寧海四記代序

與世杰仁兄書

昨奉惠寄所著寧海漫記略讀一過不勝欣慰。執事即寧海已死
人未生人所託命至不可得者。記中言及鄉人不好學又無人知
鄉邦文獻之學坐此堙沒。切中其病矣。顧醫此二病亦殊不易。校
下愚少壯時聞略有姿地者即願與共學。特多無高志困于境況
而不學亦有有姿地而好學者又短命而不能達其志。此成學之
難。尊重鄉邦文獻古聖賢莫不如此。識大識小。因才識而異。方正
學嘗說此事而未有成。至與校同時之人臨海黃岩各縣各有裁
個為此事者。寧海談及者亦少。勞柳齋茂才極留心。惜見聞不廣。

侵奔走衣食之中，未嘗不隨所見而錄之，而轉徙無定，又值離亂，亦皆散失。愚病又率不憶記，即執事寄示盤溪草，正在病中，今回想不得形影，大著引及正學先生，感稱許，觀樂生，感誤作畫不之知，本身所歷乃竟如此。保守文獻之難，可以想見，故以執事為寧海已死人，未生人所託命，百拜而求之者也。未生人有何命可言，蓋無前人之記錄，則種子無可發生，故繼往所以開來，常人未之思耳。記中祇有詩徵得三百五十餘家，殊費苦心，須永流傳方好。為存一縣數百年之人，自不能以古大家，但非惡劣即可備存，少時聞詹郭林魏四君之名，人已不及見，郭以拔貢終，當時黃岩楊定敷給諫，王子震太守，張子遠大令，潘均從受業，曾親問大令郭。

先生是否八股匠。大令稱其博雅。不但能八股。此四君之詩未錄。否。與王吉人孝廉同案。作革之鮑。副貢。曾錄存其詩。失去。亦采。入否。域中妙相寺有一僧詩道咸同間。人有刻本。共初見於滬。肆。价昂未購。後數日已賣出。當時記集名僧名。嗣問管德興內翰。知此僧能詩。今管作古。並集名亦忘。采到此僧詩否。漫記爲題詞。見題者已多。不必加贅。有應酌商語。錄后乞核。卷一慈母石。羅提刑嘗於此哭母。語沿俗傳而誤。羅溪南人永樂寺碑記。大明羅漢書永樂寺。非廣潤寺。家不在慈母石相近處。羅官居鄞縣。以奉歸。葬寧海慈石傍。祖居溪南。晚任鄞縣。墓志亦大明讀書晚歸。母見神燈證之。別有一古人。御俗誤爲羅事。光緒縣志。南鄉葉乙青茂。

才任手誤入之。鄉中先不過口傳，身亦聞之，未有記載。縣志已誤，宜訂正者。寧海尚有應訂正事，為葉丞相盜葬廣潤寺伽藍頭。聖詔掘之，見明僧本寺志刻本。鄉人信之，且有設墓時石馬人丁多得石馬，因名其村。海游人少，僅得石羊村。後陳姓人丁多得二石人為確證。但葉丞相極方正之人，何至盜葬佛地？且其墓現存，見縣志。廣潤寺志乃云：理宗朝罷，忽一人作語云：我皇有一地，丞相私葬之，不知是何意。龍心大怒，詔發之。等語。不知理宗朝公尚未入相也。後于他書見史王盜葬阿育王寺，奉詔發掘，亦說伽藍頭聖稱我皇有一地，語大同小異。按史雖不善，何必盜葬佛地？蓋宋末元初，通行掘墳，民間發官墳多俗僧，因此造神話，此非記中所

及乞見此類應留意訂正者也。至卷二赤城書堂乃閩風諸夫子
奉羅公赤城係羅號非羅與舒胡等同讀處戴表元奉化人從舒
學或到吉祥寺未可知王尚書當舒胡丙辰登第已為覆閱試卷
官宋亡年已高必不到寧海此殆記牽連而誤非古人誤宜改正
者卷四罵人土語一條應刪不可以污吾書報紙戲語不可倣效
大凡撰著不論大小均須有才學識三者半由天半由人非可強
到唯有時々注意逐漸增長冀勉有失庶足傳信執事斐然有作
故敢謂其淺陋奉質幸裁核惠復為幸校連年多病年已七十有
四雖存亦廢物耳同縣舊交少有談文字所樂聞也癸酉冬月二

十七日弟章授于天津

卷之六

卷之六

聖賢不棄我

卷之四

蘇州府志

愛國

10

寧海四記卷一

盤溪干人俊初稿

潘彩、字青白、號秋老、又號雪潤、宋冠莊人、通春秋、作文有
瀟灑出塵之標格、屢試不第、興胡俊甫、方菊田、舒閔風、劉
正仲、友善、詩酒往來不絕、後以文行辟薦任明州教授、傳
見乾隆冠莊潘氏譜

千戶名廷玉、官莊潘池鄉長子也、初池鄉娶十一都方適
菴女、名小奴、乃正學方公之從姑也、建文三年、靖難師入
金川門、方公抗節不屈、上命夷其十族、逮方氏族誅之、死
者八百七十三人、方氏親戚悉戍、絕繼、廷玉以母家故、遣
戍開平衛、其弟廷珪、戍三萬衛、并及弟三從姪公遂、戍山
海衛、於是再一之孫枝、以方氏之禍、幾盡、史所謂瓜蔓抄
也、廷玉積家室戍所、隸卒伍、積軍功、至奉衛千戶、廷玉卒、

次子有貴、襲有貴卒。子整、襲整卒。子顯、襲正德初、邊事告警、顯以千戶領軍、屢奏捷、積功授指揮使。子孫世襲焉。洪熙時、公遂之子貴、以疏偏執、還京、歷闕勅、留都建祠祀正學、而方氏親戚省歸者、猶有三百九十一戶、而顯之子孫、以襲爵籍、開平、延桂一支、或三就者、竟不知其所終、傳見乾隆冠莊潘氏譜。

孝子姓潘、名振先、字可慎、邑庠生、士衡之子、家貧、事親盡其色養。父卒、母何氏寢疾、孝子百計調治、衣不解帶、目不交瞬、彌月、疾亟、醫者謝疾不可為。孝子嘆曰：吾將坐視吾母之死乎？吾聞股肉可以療病、萬一吾母之生也、吾何惜此一膚肉乎？乃挾利刃入告祖祠、自刻其股、暈絕而復甦、以煙灰塗之、創用布景之、投刃入藥、不令母知也。俄而母

病愈竟以壽終鄉鄰聞其事皆嘖嘖歎為子之令將以孝子上
聞謝不可遂額其廬曰潘子之門傳見乾隆程氏潘氏譜

光緒邑志明五貢表陳簡居里未詳考陳氏譜知為
竹口人字希仲成化間貢官河南延津訓導姑蘇進
士王經稱其年富而學深行完而文緒並于其分教
延津曰獻以詞曰肅肅兮雍雍有嚴兮有容仁義之
堂兮禮樂之宮譽髦斯士兮為卿為公然胡一執兮
鄒魯同風樂只君子兮聿有令終詞見陳氏譜王經
贈陳君分教延津序

竹口陳氏譜載有送陳希仲分教延津詩五六家而
余最愛翰林修撰王華一律留君無計奈君何撫
景應憐別意多南國遠山青入望北河新水綠生波
吟邊風月一身樂鏡裏星霜兩鬢皤聖主求賢勤寤
寐早分化雨育菁莪又監察御史郭紳之泮三杏裏
青檀席壇杏花間綠綺琴林讓之午夜青燈螢火爍
乙壇紅錦杏花多等联亦妙

陳希仲詩台郡諸輯俱未之見竹口陳氏譜有其思
親八詠氣息醇厚音節自然竹口清君云竹口之水
金玉音竹口之山龍虎勢山川盤結百千狀衆抱清
君薦幽麗高人獨得此中趣清白傳家非一世貽
謀遠與鹿門傳不比考槃祇自誓花心幽宅云百年
華屋身如寄千載邱山人似歸花心一隙牛眠地歸
於其室以永居佳城鬱鬱掩暮雲芳阜淒淒卹夕暉
叮囑後世勤掃墓莫使廢作閒垣墟泉木秋蟾云泉
水源流出帽峯紫洞一帶花心橫鏗夏躡中環玦
遠同江漢爭朝宗秋宮月白一溪練月光如水相溟
漾金波溜冷玉光沉五更飛逐朝陽紅章陵春露云
一片平原絕間麓章陵元出如虎踞松竹園雲春露
濡龍翔鳳舞交相慰遙望花心壯奇麗壯得花心更
幽邃百物含生露資始孝子履此魂失去

明郭濬宅在縣北六十里長洋。光緒邑志未載。戊寅秋余主辦僑
光中學分部于大蔡。嘗過其地。有哀郭士制歌云。嶺北之山兮。
美秀而崔巍。嶺北之水兮。清泚而漣漪。山水適情兮。躬耕可隱淪。
蘭蕙清芬兮。幽人迹可尋。胡不此思兮。從俗而重昏。何身之察兮。
受物之憤懣。何皓々之白。蒙世之垢塵。文光方吐兮。燦爛有待成。
受知潛溪兮。獨許而盛稱。聲价凌岳兮。譽滿而孰倫。君亦自負兮。
伉爽而不群。天忽忌才兮。地下召修文。愁雲蔽宇兮。森々冤氣沉。
日月無光兮。長夜何冥々。明皇既覺兮。黯然而傷神。事雖大白兮。
君去不復還。吁嗟乎。自古英俊士。寂々沉下僚。片言折權貴。殺身
禍立招。情勢使之然。由來非一朝。達人因所鑒。窮巷守寂寥。君不

見許由不受命高步逃箕山子陵變姓名垂釣隱嚴灘又不見李
子苦遊說賣臣困采樵俛仰生榮華咄嗟復枯凋此情君所曉何
不樂顏瓢哀君々應淚悲歌激雲霄郭濬字士淵長洋人洪武九
年入太學太學畜士數百千人見郭文咸吐舌驚嘆謂不可及學
士宋濂見其文稱為奇才遂受學于濂同學者忌其名潛諸祭酒
甘某誣奏殺之年三十三既而太祖覽其文恨曰把我好秀才都
壞了追戮甘著有樗園稿傳詳府縣志

仰天螺俗名螺峰在縣北三十五里下何村北狀如仰螺已卯余
有遊螺峰詩仰天螺上繭漆花仰天螺下盤溪綠花放水流春復
春大塊烟景吾屬更尋桃李叙天倫秉燭夜遊笑比隣恨不早歸

還素愿。辟衣耕鑿作堯民。又鳳凰山。在縣北四十里詹家村西。以形似名。同年余有望鳳凰山有感詩。唐虞世兮。鳳凰于飛。今非時兮。故枝未依。鳳兮鳳兮。且待莫違。又婪採山。在縣北二十一里。其下為浮鳧陳家。同年余有婪採山詩。古人云。此山一登貪無息。試使夷齊居。採薇不易食。又止山。又鳥鳴山。在縣北四十里雁蒼山東。己卯余有遊鳥鳴山詩。啼鳥關山。以雲閑。啼鳥休山。以鳴幽。古人不作。長悲倦遊。以上四山。光緒縣志叙山俱未載。舒岳祥宅。在北四都嶺口村舊名閩風里。台州外書舒舜侯居甯海閩風里。雍正浙江通志古蹟作雁蒼山非。又葉夢鼎宅。在東東倉下宅。宅前有魚池。與古園。石筍猶存。浙江通志作狀元峯。亦

非俱宜訂正

閩風臺 在北五十里天門山西麓拔起千仞浙江通志古蹟作臨海縣北誤亟宜訂正

閩風園 在北三都禮村園前有雙檜堂宋劉次皋建浙江通志古蹟作在王溥署內誤宜訂正

許繼 字士修號觀樂生甯海人方孝孺有觀樂生傳見述志齋集浙江通志人物五儒林中作臨海人誤宜訂正

海口驛 在縣北六十里海口今廢浙江通志驛傳作一百一十里非宜訂正